



پنچایت

ہر بندہ اپنے اپنے حساب نال اپنے کھر کی صاف ستھرا رکھنے نی کوشش کرنا ہے۔ اپنے کھر والیاں نی صحت و سلامتی ہو رہا باقی ضرورتاں کی پورا کرنے جتن وی کرنا رہنا ہے۔ ورا نہاں ساریاں ضرورتاں کی کوئی کہلا بندہ پورا نہہ کری سکنا۔ اس واسطے اُس کی اپنے کنبے والیاں تہ دُوئے لوکاں نی مددنی لوڑ ہونی ہے۔ اِسراں اپنے محلے نے سُدھار واسطے محلے داراں نی، گراں یا شہر نے سُدھار واسطے اُتھوں نے بسکیناں نی ساخھی ہتھ بٹائی نی لوڑ ہونی ہے۔ سماجی پہلائی بہتری تہ ترقیاتی تہ سماجی کماں واسطے بڑی سطح اُپر ساخھی کوشش نی لوڑ ہونی ہے تہ اس واسطے کمیٹیاں، سوسائٹیاں وغیرہ تشکیل دینے نی لوڑ ہونی ہے۔

گراں، دیہاتاں پنج ترقیاتی کماں کی چلانے تہ قانون تہ باقی نظم و نسق بحال رکھنے واسطے پنچایتاں بنائیاں جاناں ہین۔ اس اندر گراں والے اپنے نمائندے چُنی تہ پہنچنے ہین تہ بعد پنج ایہی پنچایت گراں نے ترقی باہدے نے کماں نی ذمہ داری ہونی اے۔ اس نے نال ہی گراں والیاں نے وقت تہ پیسے نی بُر بادی کی بچانے واسطے ہر قسم نے معاملیاں ناسدھار کرنے ہور لڑائی، چھگڑے مٹانے نی ذمہ داری وی گراں نی اسے پنچایت نے سپرد ہونی ہے۔

اسطراں گراں نے لوکاں نا پیسہ وی بچنا ہے تہ وقت وی زیادہ بر باد نہیہ ہونا ہور سارے معاملے اپنے ہی گراں پنج سلجھائی دتے جانے ہین۔ تہ اسراں پنچایت پنڈاں گراں نے مسئلیاں نا نبیڑا کری لوکاں نی پہلائی بہتری نیاں سکیمیاں بنائی تہ اُنہاں کی توڑ وی چاہڑنی ہے۔ پنچایت نی مالی ضرورت کی سرکاری خزانے تھیں پورا کیتا جانا ہے۔ یا اوہ گراواں پنج لگنے والیاں میلیاں یا گراں پنج ہونے والی پنج بٹا اُپر ٹیکس لائی تہ وی پیسہ اکھٹھا کیتا جانا ہے۔ پنچایت پہاویں جے سرکاری ادارہ نہیہ ہونا وراس نا سارا کم کاج سرکاری مدد نال ہی اگے بدھنا ہے۔

پنچایت گراواں نے اندر راہی باہی واخ دی خاص تہیان دینی ہے تاں
 جے زرعی پیداوار کی بدھائی تہ لوکاں نی آمدن بدھائی جاسکے۔ تمام ضلعی ترقیاتی
 سکیمیں کی گراواں پنڈاں بچ لاگو کرنے نی ذمہ داری وی پنچایت نی ہونی ہے۔
 تہ پنچایت ہی لوکاں نی ترقی نی سطح اُپر آنے واسطے جتن کرنی ہے۔

پنچایت لوکاں بچ ہر قسم نی بیداری پیدا کرن نی ذمہ دار ہونی ہے، اوہ
 پہاویں صحت نے متعلق ہووے یا زندگی نے دوے شعبیاں نے متعلق۔ آج کل
 پنچایتاں نے اندر اخباراں ریڈیو تہ انٹرنیٹ جیاں سہولیات وی دستیاب رکھیاں
 جانیاں ہین تاں جے فرصت نیاں کھڑیاں بچ لوک پنچایت اندر آئی انہاں
 سہولیتاں نافائدہ چائی سکے۔ پنچایتاں گراواں بچوں ہر قسم نی برائی ناخاتمہ کرن
 واسطے پھر پور کوشش کرنیاں ہین۔

پنچایت نی دفتری کاروائی تہ مٹینگاں نے بارے چٹھیاں پتر لکھنے ناکم
 گرام سیوک کرنا ہے۔ مگر اس نے باوجود گرام سیوک ناجیہڑا اک سرکاری ملازم
 ہونا ہے پنچایت نیاں کماں بچ کوئی عمل دخل نیہہ ہونا۔ اسراں پنچایت گراواں نی
 چوٹھی ترقی نی ضامن ہونی ہے۔

1۔ اوہکھے لفظاں نامطلب:

- جتن : کوشش۔ جُہدی
ہتھ بٹائی : مدد۔ مل جُل کے کم کرنا
سوسائٹیاں : عام لوکاں ناملی جُلّی کوئی ادارہ بنانا جیہڑ اعوام نی
ترقی باہدے نام کرے۔
انٹرنیٹ : اک بے تار برقی سلسلہ جس نے تحت اک بندہ
پوری دُنیا نال رابطہ رکھ سکنا ہے۔

2۔ مندرجہ ذیل سوالاں نے جواب دیو:

- (۱) گراواں پنڈاں نی ترقی باہدے نام کاج کیہڑ ادارہ کرنا ہے؟
(۲) پنچایت نی آمدن نے کیہڑے کیہڑے ذرائع ہین؟
(۳) گراں نے لوکاں واسطے پنچایتی عدالت کسراں فائدہ مند ہونی ہے؟
(۴) گرام سیوک پنچایت نا کے کم کرنا ہے؟

3۔ خالی جگہاں کی پُھرو:

- (۱) ہر بندہ اپنے اپنے حساب نال اپنے کُہر کی رکھنے نی کوش شکرنا ہے۔ (گندہ/ صاف سُتھرا)
- (۲) اُتھوں نے بسنیکاں نی ساڄھی نی لوڑ ہے۔ (کوشش، ہتھ بٹائی)
- (۳) اس نے اندر گراں والے اپنے چُتی تہ پہنچنے ہین۔ (لیڈر/ نمائندے)
- (۴) پنچایت نی مالی ضرورتاں کی تھیں پورا کیتا جانا ہے۔ (بینک/ سرکاری خزانے)
- (۵) پنچایت لوکاں بچ ہر قسم نی پیدا کرن نی ذمہ دار ہونی ہے۔ (ہمت/ بیداری)
- (۶) چٹھیاں پتر لکھنے نام کرنا ہے۔ (بی ڈی او/ گرام سیوک)
- (۷) پنچایت گراواں نی ترقی نی ضامن ہے۔ (پہر پورا/ چوٹکھی)

اُستاداں واسطے:

اُستاداں واسطے لازم ہے جے اوہ بچیاں کی پنچایت نے ذریعے ہون
والے کم کاج نی مکمل جانکاری فراہم کرن ہوئی سکے تہ پنچایت کھر تکر
طالب علماں کی کھڑیا جائے تہ عملاً کجھ گلاں سمجھائیاں جان۔

